

CÒPIA



COMUNE DE PUTUMAJORE
PROVÌNTZIA DE TÀTARI

VERBALE DE DELIBERATZIONE
DE SA GIUNTA COMUNALE

Delibera 22 de su 12-03-2020

Ogetu:	Cuntrastu de s'emergèntzia de s'epidemia COVID-19. Aprovatzione mesuras organizativas istraordinàrias pro s'acumprida de formas de traballu dae domo.
---------------	--------------------------------------------------------------------------------------------------------------------------------------------------------------

S'annu duamìgia e binti, sa die dòighi de su mese de martzu a sas 12:50, in sa sala de sas adunàntzias, osservadas totu sas formalidades prescrites dae sa lege in vigèntzia, sunt istados cunvocados oe in setziada sos cumponentes sa Giunta Comunale.

A s'apellu resurtant:

Soro Mariano	Sìndigu	P
Aranzanu Antonella	Assessore	P
Mannu Luisa	Vitze Sìndigu	P
Marchesi Pierluigi	Assessore	P
Spanu Bernardo	Assessore	P

Totale presentes n. 5 e ausentes n. 0.

Partètzipat a s'adunàntzia su Segretàriu Comunale dut. Matteo Manca chi providit a redatzionare custu verbale.

Essende legale su nùmeru de sos interbènnidos, su Seg. Mariano Soro in sa calidade sua de Sìndigu leat sa presidèntzia e deccarat aberta sa setziada pro trattare s'argumentu indicadu in ogetu.

SA GIUNTA COMUNALE

Bidos sos provvedimenti relativos a s'emergèntzia COVID-19 emitidos dae su Governu e dae su Ministru pro s'Amministratzione Pùblica e in particolare:

- Decretu-lege 23 de freàrgiu 2020, n. 6, chi giughet "Mesuras urgentes in matèria de cuntenimentu e gestione de s'emergèntzia de s'epidèmia dae da COVID-19";
- Diretiva 1/2020 de su 25/2/2020 a firma de su Ministru pro s'Amministratzione Pùblica in ue s'invitat "a afortigare su ricursu a su traballu dae domo, individuende modalidades simplificadas e temporàneas de atzessu a sa mesura"
- Tzirculare 1/2020 de su 4/3/2020 a firma de su Ministru pro s'Amministratzione Pùblica in sa cale si cheret fatzilitare galu prus s'aplicatzione de su traballu lestru comente misura pro cuntrastare e cuntènnere s'emergèntzia de s'epidemia chi non si podiat previdire;

Ritènnidu de dèvere providire a manera urgente adotende onni misura ùtile a tutela de s'incolumidade de sos dipendenti e ritènnidu de ricùrrere, in bia isperimentale e urgente, a s'istitutu de su "smart working", torrende a cramare sa normativa chi sighit chi nde dissiplinat s'acumprida:

- s'articulu 14 de sa lege 7 de austu de su 2015, n. 124, chi giughet "*Dèlegas a su Governu in matèria de organizzatzione a nou de sas amministratziones pùblicas*" cun riferimentu a sos interbentos fatos pro favorèssere sa contziliatzione vida-traballu;
- in particolare s'articulu 14, comma 1, de sa lege mentovada in subra, in ue si previdit chi sas amministratziones pùblicas adotent mesuras organizzativas pro promòvere sa contziliatzione de sos tempos de vida e de traballu pro mèdiu de mecanismos chi favoressent un'organizatzione de sas atividades flessibile, non prus fundada subra de sa presèntzia fisica ma subra de resurtados mesuràbiles;

Consideradu chi in sa situatzione de emergèntzia de s'epidemia in cursu est oportunu favorèssere su ricursu a modalidades de acumprida de su traballu chi non previdant sa presèntzia fisica in sas sedes ordinàrias de servitziu, pro favorèssere sas mesuras de preventzione a sa difusione de su mentovadu in subra "Coronavirus";

Rilevadu chi sas formas puru simplificadas de traballu a distàntzia garantint puru sa cuntziliatzione de sos tempos de vida e de traballu de su personale, cun riferimentu particolare a sas netzessidades familiares semper prus mannas ligadas a sa sessada de sos servizios iscolàsticos e educativos in totu su territòriu natzionale;

Recramadu pro custa resone su mentovadu decretu lege n. 6 de su 23 de freàrgiu de su 2020, chi giughet mesuras in matèria de cuntenimentu e gestione de s'emergèntzia de s'epidemia dae COVID 2019 in sas P.A., su cale previdit chi, in s'assicurare in bia ordinària s'apertura normale de sos ufizios pùblicos e s'acumprida regolare de totu sas atividades istituzionales, est cunsentidu afortigare su ricursu a su traballu dae domo, individuende modalidades simplificadas e temporàneas de atzessu a custa misura, cun riferimentu a su personale intesu a manera complessiva, sena distintzione de categoria de incuadramentu e de tipològia de raportu de traballu;

Recramadu in fines su D.P.C.M. 11 de martzu de su 2020 chi a s'art. 1 puntu 6), retzitat a manera testuale:

6) Abarrende firmu cantu apostivigadu dae s'art. 1, comma 1, litera e), de su decretu de su Presidente de su Consigiu de sos Ministros de s'8 de martzu de su 2020 e a fora de sas atividades funtzionales a manera istrinta a sa gestione de s'emergèntzia, sas amministratziones pùblicas, assegurant s'acumprida in bia ordinària de sas prestatziones de traballu a manera lestra de su personale dipendente pròpiu, puru in dèroga a sos acordos individuales e a sos òbligos in formativos de sos cales a sos articulos dae 18 a 23 de sa lege 22 de maju de su 2017 e individuand sas atividades funtzionales a manera istrinta a sa gestione de s'emergèntzia, sas amministratziones pùblicas, assegurant s'acumprida in bia ordinària de sas prestatziones de traballu dae domo de su personale dipendente pròpiu, puru in dèroga a sos acordos individuales e a sos òbligos informativos de sos cales a sos articulos dae 18 a 23 de sa lege 22 de maju de su 2017, n. 81 e individuand sas atividades chi non si podet fàghere a mancu de rèndere in presèntzia..

Riènnidu duncas de aviare dae su 16/03/2020 finas a su 25/03/2020, una fase isperimentale de "smart working" cun sa cale sos dipendenti ant a pòdere èssere autorizados a acumprire a s'atividade de traballu a distàntzia cun istrumentos pròpios, si su rispetivu dirigente/Responsàbile nde valutet sa cumpatibilidade cun sas atividades assignadas;

Ritènnidu de incarrigare su Segretàriu / Responsàbile de su Personale de s'emanatzione de una tzirculare

cun sas linias guidas de detàlliu pro sa regulamentatzione de custa modalidade istraordinària de traballu cunforma a sos critèrios chi sighint:

- 1) Pro s'assignadura de su traballu dae domo istraordinàriu s'ant a sebestare sos critèrios de prioridade comente:
 - a) Traballadores chi ant patològias espostos de prus a sa cundidura;
 - b) Distàntzia tra domo-traballu pro sos dipendentes chi impreant prus mèdios de trasportu pùblicu pro biagiare (trenu, scia, autobus);

- c) **Traballadores** cun exigènzias particulares e motivadas de valutare a incuru de su dirigente;
- 2) ant a pòdere èssere individuadas fàscias de oràriu in sas cales su dipendente si rendet cuntatàbile pro exigènzias de servìtziu;
- 3) s'assignadura de su traballu dae domo devet garantire semper e cando sa continuidade de sos servìtzios e èssere cumpatibile cun sas carateristicas de sas atividades accumuladas a manera ordinària dae su traballadore;
- 4) devet èssere semper e cando garantida sa seguresa e s'integritade de sos datos, cun mesuras organizativas ispetzificas emìtidas in collaboratzione cun su Servìtziu Informàticu;

Ritènnidu puru de compidare s'andamentu de custa forma de traballu dae domo in sa fase isperimentale, pro nde valutare s'efetu reale subra de s'organizatzione de s'Ente, puru pro adotare, una borta chi s'emergènzia at a èssere sessada, una disciplina orgànica coerente cun sas indicatziones prevididas in tèrmines generales dae sa normativa ispetzifica subra de su "smart working";

Bidos sos parres a favore relativos a sa regularidade tècnica e contàbile de custu provedimentu, emìtidos dae sos responsàbiles de sos setores cumpetentes, cunforma e pro sos efetos de s'art. 49, comma 1 de su D.lgs. n. 267/2000;

Averiguada sa cumpetènzia pròpia cunforma a s' art. 48 de su D.lgs. n. 267/2000;

Ritènnidu, pro s'urgènzia de providire in mèritu, de dèvere usufruire de sa facultade cunsentida dae s'art. 134, comma 4 de su D.lgs. n. 267/2000, rendende custa delibera luego esecutàbile;

Cun votos totu de acordu, espressados cunforma a sa lege;

DELIBERAT

1. **De dare atu** chi sa premissa est parte integrante de custu provedimentu;
2. **De adotare** dae su 16/03/2020 e finas a su 25/03/2020, in bia etzetzionale de su totu, mesuras organizativas isperimentales urgentes in matèria de traballu dae domo, cunforma a cantu prevididu dae su D.L. n. 6 de su 23.02.2020, pro faghère fronte a s'emergènzia ligada a difusione de su virus Covid-19;
3. **De incarrigare** su Segretàriu/Responsàbile de su Personale a s'emanatzione de una tzirculare cun sas linias guida de detàllu pro sa regulamentatzione de custa modalidade istraordinària de traballu, cunforma a sos critàrios mentovados a manera detalliada in sa premissa;

Cun àtera votatzione totu de acordu:

DELIBERAT

De decrarare, custa deliberatzione urgente e luego esecutàbile cunforma a s'art.134, comma 4, de su Decretu legislativu 18 de austu de su 2000, n. 267.

Su presente verbale est lèghidu, aprovalu e sutascritu.

Su Sindigu
F.du Seg. Mariano
Soro

Su Segretàriu Comunale
F.du dut. Matteo Manca

PARRES DE SOS CALES A S'ART. 49 DE SU D.lgs. 18/08/2000 N. 267

Parre a Favore in òrdine a sa Regularidade tècnica in mèritu a sa proposta de sa cale a sa presente deliberatzione.

SU RESPONSÀBILE DE SU SERVÌTZIU
F.du Dut.ra Antonella Iervolino

PARRES DE SOS CALES A S'ART. 49 DE SU D.lgs. 18/08/2000 N. 267

Parre a Favore in òrdine a sa Regularidade contàbile in mèritu a sa proposta de sa cale a sa presente deliberatzione.

SU RESPONSÀBILE DE SU SERVÌTZIU
F.du dut.ra Giuseppina Fara

Su sutascritu, responsàbile de su servìtziu de sa publicatzione a s'albu pretòriu, bidos sos atos de ufìtziu, atestat chi custa deliberatzione est istada afissada pro bìndighi dies sighidas dae su 13-03-2020 a su 28-03-2020

Putumajore, 13-03-2020

Su Segretàriu Comunale
F.du dut. Matteo Manca

Su sutascritu, bidos sos atos de ufìtziu

ATESTAT

chi custa deliberatzione est divènnida esecutiva sa die 12-03-2020:
- ca decrarada luego esecutiva (art. 134, c. 2, D.lgs. n. 267/2000);

Putumajore, 13-03-2020

Su Segretàriu Comunale
F.du dut. Matteo Manca

Est còpia cunforme a s'originale de impitare pro impreu amministrativu.

Putumajore, 13-03-2020

Su Segretàriu Comunale
dut. Matteo Manca